

सालासर हनुमान | by Hemant Dadhich

सालासर हनुमान म्हारा अंजनी माँ का लाल सा
केसरिया चोला सोहे सा सालासर हनुमान

स्वर्ण मुकुट थारे सिर पे सोहे, काना में थारे कुण्डल सा
गल वैजयंती माल सोहे, हाथा में करताल
हाथा में जी हाथा में
हाथा में गोटो सोहे सा सालासर हनुमान

अंग पे थारे चोला साजे लाल लंगोटा बाला सा
थारे दर पर दर्शन करवा आवे नर और नारी सा
थे घना रुखाला लागो
थे घना रुखाला लागो सालासर हनुमान

बाँध के घुँघरू नाचे है जी बालाजी महाराज सा
झूम झूम कर नाचे है जी बालाजी सरकार सा
थे राम नाम का दीवाना
थे राम नाम का दीवाना सा सालासर हनुमान

राम जी का दास थे तो सीता माँ का दुलारा सा
अर्जियाँ स्वीकार्यो जी सालासर हनुमान सा
म्हाने चरणा माहि राखो
म्हाने चरणा माहि राखो सालसर हनुमान

चैत्र सुदी पूनम यो जी मेलो लागे जोर सा
सांझ सवेरे होवे आरती झालर की झनकार सा
संकट में जी संकट में
संकट में आड़े आवे सा सालासर हनुमान

<https://bhaktivandana.com/lyrics/%e0%a4%b8%e0%a4%be%e0%a4%b2%e0%a4%be%e0%a4%b8%e0%a4%b0-%e0%a4%b9%e0%a4%a8%e0%a5%81%e0%a4%ae%e0%a4%be%e0%a4%a8-by-hemant-dadhich/>